

GEOGRAPHIA SACRA

subscripsit Concilio Aquileiensi sub Damaso, & *Paschasius* supradictæ Epistolæ Eusebii.

† SAVONA, Sabata Ptol. lib. 3. cap. 1. etiam vulgò *Savona*. *Montani* Savonæ Episcopi meminit Gregorius Magnus Epist. 22. lib. 9. Indict. 4.

RHÆTIA PRIMÆ.

CURIA Antonino in Itinerario, vulgò *Chur*, & Italis *Corra*. *Asmo* hujus Episcopus subscripsit Epistolæ Eusebii Mediolanensis ad Leonem Papam.

RHÆTIA SECUNDÆ.

†† AUGUSTA VINDELICORUM Ptolem. lib. 3. cap. 1. vulgò *Auspurg*. Hujus Episcopus *Euthasius* subscripsit Epistolæ Eusebii Mediolanensis ad Leonem Papam, & *Jocundus* Synodo Romanæ tertiæ sub Symmacho.

RATISPONA, *Regium* Antonino, & libro Notitiarum *Castra-regina*, vulgò *Regenspurg*. *Paulinus* hujus Episcopus legitur temporibus Zenonis Imperatoris & Clodovei Regis Francorum apud rerum Germanicarum Scriptores.

* QUINTANÆ Antonino in Itinerario, Quintanum Optato lib. 1. qui ibidem meminit *Zotici* Episcopi à Quintano.

BRIXINO. Ad Rhætiam Secundam pertinebat etiam Brixino civitas Episcopalis, cujus Episcopus Albinus in Martyrolog. Romano cum Ingenuino Sabionenſi conjungitur Non. Februarii. LUCAS HOLSTENIUS.

PROVINCIA RAVENNENSIS.
FLAMINIA.

** RAVENNA, inquit Zosimus lib. 5. Metropolis est Flaminiae, urbs fanè antiqua, Theſſalorum colonia, Rene dicta, quod eam aquæ ab omni parte circumfluant: non verò inde, ut Olympiodorus Thebanus ait, quod Remus Romuli frater, hujus urbis conditor fuerit, vulgò etiam *Ravenna* dicitur. *Petrus* hujus Episcopus subscripsit Concilio Romano sub Symmacho: Divusque Gregorius scripsit Epistolam 37. lib. 3. Indict. 12. ad *Joannem* Episcopum Ravennensem, & Epist. 50. lib. 7. Indict. 2. ad *Marinianum* ejusdem civitatis Episcopum.

SARSINA Straboni lib. 5. vulgò etiam *Sarsina*. *Donatus* hujus Episcopus subscripsit Concilio Lateranensi sub Martino.

§ CÆSENA Ptol. lib. 3. c. 1. vulgò etiam *Cesena*. *Florianus* hujus Episcopus legitur apud Optatum lib. 1.

FORUM POPULI, seu Forum Popilii Plin. lib. 3. cap. 15. *Stephanus* hujus Episcopus adfuit & subscripsit Concilio Lateranensi sub Martino.

FICOCLÆ Anastasio in vita Theodori, vulgò *Cervia*. *Bonus* hujus Episcopus subscripsit Concilio Lateranensi sub Martino.

§§ FO.

NOTÆ.

† *Savona &c.*] Apud S. Gregorium M. lib. 1. Ep. 76. & 77. & 79. pro Alerienſi Eccleſia MSS. Codd. Saonenſem legunt. LUCAS HOLSTENIUS.

§ Ad Provinciam Rhætiae Secundae pertinebat Sabiona, quæ infra pag. 64. in Venetis recensetur. Nam Ingenuinus ejus Episcopus in subscriptione libelli ad Mauritium Imperatorem apud Baronium ann. Christi 590. n. 28. vocat se Episcopum Secundæ Rhætiae. LUCAS HOLSTENIUS.

†† *Augusta Vindelicorum &c.*] Puto hos Episcopos fuisse Augustæ Prætoriae, & sic cenſet V. Ill. M. Velferus Rerum August. lib. 8. pag. 168. LUCAS HOLSTENIUS.

* *Quintana &c.*] In veteri Inſcriptione, teſte Onophrio Panvinio vocatur COLONIA AUGUSTA QUINTANORUM. & ſic in nummo Nervæ. LUCAS HOLSTENIUS.

** *Ravenna &c. Vulgo Ravenna*] Severus ſubſcripſit Concilio Sardicenſi. LUCAS HOLSTENIUS.

§ *Cæsena &c. Florianus hujus Episcopus*] Sed MS. Codex, non de Cæsena, ſed de Sinna ſcribit, quod Balduinus pro libitu mutavit, itaque hic Senenſis potius Episcopus fuit. Natalis & Concordius apud S. Gregorium lib. 12. Epist. 1. Maurus in Concilio Lateranenſi S. Martini Papæ. LUCAS HOLSTENIUS.